

ТОМ БОЛЬШЕВИК

(Молодой большевик)

ГАЗЕТА ВЪЛӦ
ГИЖШАН ЦЕНА
1 год кежӧ 14 р. 40 к.
6 мес. кежӧ 7 р. 20 к.
3 мес. кежӧ 3 р. 60 к.
1 мес. кежӧ 1 р. 20 к.
Номерлӧн цена—8 к.
Редакциялӧн адрес:
г. Кудымкар, улица
Сев. коммунаров, 34,
этаж 3-ий,
ком. № 61 и 64.

ВЛКСМ Коми-Пермяцкӧй округкомлӧн да Кудымкарскӧй райкомлӧн орган

ВИЛЬ ГОДӦН, ЁРТТЭЗ!

ВИЛЬ ПОБЕДАЭЗ ДЫНӦ!

1940 год пырас Советскӧй государстволӧн историяӧ, кызд социализм строитӧмын ыджыт успехезлӧн год.

Год повдӧтчӧм бӧрсянь чожка мыйис гӧроическӧйез Краснӧй Армия да Военно-Морскӧй Флот уничтожитисӧ плацдарм, кӧда вӧлі лӧсьӧтӧм финскӧй белогвардейшинабн СССР вьлӧ уськӧтчӧм понда.

СССР составӧ содӧс 12-ӧт Союзнӧй республика—Карело-Финскӧй республика.

Советскӧй Союзӧ бӧр вайӧтӧм Бессарабия, кӧда 20 год бӧрланын вӧлі насильственнӧя мырдӧм том Советскӧй республикасьн румынскӧй бояразӧн. СССР дынӧ ӧтлаӧтӧм Севернӧй Буковина—важся украинскӧй территория.

Бессарабия пырис 13-ӧт Союзнӧй Республика составӧ—Молдавскӧй ССР-ӧ.

СССР дынӧ добровольнӧя ӧтлаасисӧ кунм Прибалтийскӧй республика—Литва, Латвия да Эстония.

СССР 11 Союзнӧй республика туйӧ ӧнӧ объединяйтӧ 16 Союзнӧй республика. Только ӧтик 1940 годӧ СССР-лӧн населеннӧ содӧс 10 миллион виль советскӧй гражданабн, а территория—223 тысяча квадратнӧй километр вьлӧ.

Миян промышленность одолейтис нийӧ затрудненнӧезсӧ, кӧдна вӧлісӧ год повдӧтчӧм бӧртӧ международнӧй обстановка осложеннӧезсян и сувттӧг быдмӧ вевдӧрӧ. Ся сетас продукциясьн прирост 1940 годӧ (виль республикаэз да областез лыддытӧг) 13,6 миллиард руб вьлӧ, или 11 процент вьлӧ, 1939 годся итоггез сравненнӧын.

Социалистическӧй промышленность переживайтӧ ыджыт годӧм. Быдмӧ шомлӧн, рудалӧн, нефтьлӧн шедтӧм, быдмӧ металл сылтӧм, сӧдӧ электроэнергиялӧн выработка.


Замечательнӧй итоггез чулалӧм сельскохозяйственнӧй годлӧн. Зерновӧйезлӧн 1940 годся урожай сибӧтчӧ 7 миллиард пуд дынӧ. Сельскӧй хозяйстволӧн достиженнӧез буре вӧлісӧ демонстрируйтӧмӧсь 1940 годся Всесоюзнӧй сельскохозяйственнӧй выставка вьлын.

1940 год пырас советскӧй народнӧй хозяйстволӧн историяӧ, кызд год, кӧр миллионнӧез уджалӧссезлӧн трудовӧй активность сетис социалистическӧй соревнованиӧын виль подӧем. Соревнованиӧлӧн быд волнаыс шогмӧтис трудисӧ виль геройезсӧ.

Сложнӧй международнӧй обстановка, кӧда опаснӧй быдкодӧ неожиданносттезӧн, быдӧс капиталистическӧй мирын вооруженнӧезлӧс производство содтӧм, а этасянь миян страналӧ военнӧй опасностылӧн быдмӧм сувттӧтис СССР-ис уджалӧссез одзын задача—эшӧ бддӧнжык вынсьӧтны социалистическӧй государстволӧс обороннӧй да хозяйственнӧй мощь.

Ыджыт удж керисӧ СССР-ын уджалӧссез этӧ задачас тьртӧмын 1940 годӧ. Но ния эшӧ ыджытжык вынӧн, унажык керасӧ родиналӧс мощь крепитӧмын 1941 годӧ.

Энергичнӧй, честнӧй, самоотверженнӧй трудӧн судзӧтам 1941 годӧ производволӧс вьлынжык уровень, экономическӧй да культурнӧй быдмӧмлӧс вьлынжык темпез!



В. И. Ленин да И. В. Сталин.

МЕНАМ УДЖ ДА МЕЧТАЭЗ

Чулалӧс 1940 год. История аслас страницаэз вьлӧ гижис эшӧ ӧтик замечательнӧй год, кӧда козыналіс миян сталинскӧй пондӧя странаис народдӧзлӧ ыджыт победаэз, содтис миянлӧ счастье, радость, гаж.

1940 год гажӧн шынвӧліс и менам уджын. Ӑтлаын мӧдик авторрезкӧт ме кончитӧ гижны коми кыв синтаксис, кӧда петис ни печатис и кӧдӧ коми народ первуиньс полчитис аслас историын. Гижӧ „Цветитавану“, „Майскӧй“ и „Шацкая пожум“ нима стихотвореннӧез, медбӧрьяыс эшӧ абу печатайтӧм.

Чулалӧм годын уна уджалӧ переводлӧз вьлын. Русскӧй кыв вьліс коми кыв вьлӧ вуджӧтӧ В. Маяковскийліс „Кивӧн лоны“, „Необычайнӧй приключеннӧ“, „Дезертир йыліс сказка“, „Пионерскӧй военнӧй“ да мӧдик бӧрӧм стихотвореннӧез. Национальнӧй театр понда вуджӧтӧ Бр. Турліс „Неравнӧй брак“ нима комедия, Коми-Пермяцкӧй ансамбльлӧ „Батрацкӧй“ да „Горадуль“ нима сыланкыввез.

Виль 1941 год кӧсӧй сетны менам перо увтис виль стихотвореннӧез да сыланкыввез, кӧдна пондасӧ сылӧтны цветитан родиналӧс зажиточнӧй да радостнӧй олансӧ, счастливӧй отирсӧ. Медн лоасӧ вуджӧтӧмӧсь коми кыв вьлӧ великӧй русскӧй поэтлӧн М. Ю. Лермонтовлӧн бӧрӧм стихотвореннӧез. Издательствокӧт договор сьӧртӧ ме эшӧ вуджӧта А. Толстойліс, Пушкинліс, Крыловліс, Тютчевліс, Фетліс, Огаревліс, Дамбуллис да В. Гусевліс стихотвореннӧез.

Виль годӧ ме повдӧта гижны „Настенька Радостева“ нима поэма, кӧдын пондас вьсытассыны, кызд овсис Строгановскӧй сатраппез гнӧт увтын коми пемыт ивӧкалӧ.

СТЕПАН КАРАВАЕВ,

Коми-Пермяцкӧй народлӧн поэт.

ВИЛЬГОДСЯ ЁЛКА

Виль годся ёлка—миян челядӧлӧн самӧй любимӧй праздник да счастливӧй детстволӧн медбур момент. Одз сӧйӧ чултӧттӧдз магазиннӧез вьтринаэз вьлын явитчӧны баскӧ ёлочнӧй украшеннӧез да забавнӧй игрушкаэз, кӧднӧ челядь ӧддӧн буре любитӧны.

Советскӧй странаис ёлка оз вачкис да и оз вермы вачкисны ния вьлӧ, кӧдна керсьывліс челядь понда важ царскӧй Россияын. Рабочӧй, крестьянскӧй—бедняцкӧй семьяын, кытӧн оджык хозяйничайтис нужда, эз вӧлы возможность ёлка чултӧтӧм понда. Важ царскӧй Россияын ёлка эз вермы торӧйтчыны „Рождество“ праздниксян, кӧдасянь челядь получайтис религияліс яд.

Миян ӧняся советскӧй ёлка челядь понда знаменуйтӧ виль годліс пондӧтчӧм, кӧдӧ ния панталӧны ыджыт радостӧн. Мӧдмоз оз вермы и лоны, сӧдз кызд ны понда заботитчӧны быдӧс советскӧй народ, великӧй коммунистическӧй партия, любимӧй мудрӧй вождь да учитель ёрт Сталин.

Виль годся ёлкалӧн быис ӧтмоз югялӧ Советскӧй Союзис быдӧс челядӧлӧ, национальностез вьлӧ торӧйттӧг. Ёлкаліс смолістӧй аромат челядь лолалӧны челядь саддӧзын, школазын, клуббзын да асланыс семьязын. Ӑнӧ пондӧс сӧя пырны и колхоззӧз.

Кудымкар городис челядь саддӧзис челядыс обслуживайтчӧны ёлкалӧн 345 мортмында.

Ыджыт интересӧн челядь керӧны асланыс ёлочнӧй украшеннӧез, костюмез, вельтӧны сыланкыввез, йӧктӧмез, стихотвореннӧез да вьсытассӧмез. Например, Кудымкар городис № 4 челядь садлӧн старшӧй группайс челядь пондасӧ исполняйтны танец „Льдинкаэз“, сыланкыв „Холодина льдинка“ сылӧжӧн. Ния жӧ мӧдик костюмезлӧн пондасӧ избражайтны зверезліс йӧктӧм, кытӧн участвуйтӧны руч, кӧив, кӧч, ош.

Этажӧ садикис шӧрӧт группа лӧсьӧтчис выступайтны хлопушказӧн да бусниказӧн, а мед учӧттӧз костюмезлӧн тоже пондасӧ йӧктыны „Лымоккез“. Челядӧлӧн выступленнӧез пондасӧ чулавны пионинӧн ӧрсӧмӧн.


Ӑддӧн гажа челядӧлӧ ёлка вьлын! Уна интереснӧй сюрприззӧз получайтӧны ёлка вьлын. Дыр кежӧ ны памятын кольчӧ быдкодӧ костюмезлӧн челядӧлӧн выступленнӧез, дед морозлӧн подарокезлӧн локтӧм да сӧдз одзданы.

Ёлка чулалӧм бӧрны челядь ӧддӧн дыр вьсытассӧны эта йыліс.

А. П. АНУЧИНА,

Окружнӧй дошкольнӧй методическӧй кабинетлӧн заведующӧй.

СПАСИБО ЁРТ СТАЛИНЛӦ
РАДОСТНӧЙ И СЧАСТЛИВӧЙ
ДЕТСТВО ПОНДА!



Москва—Советскӧй Союзлӧн столица. Москворецкӧй пер вывсаян Кремльлӧн вид.

